


明張文忠公全集

和
1070
14



10
1070
14



明張文忠公全集四目錄

詩一五言古

恭述祖德詩

恭勵聖學詩

恭頌母德詩

擬西北有織婦

柬李鶉野

述懷

送高廉泉之任

送黎忠池二首

適志吟

蒲生野塘中

羽林郎

余有內人之喪一年矣偶讀韋蘇州傷內詩愴然有感

朱鳳吟

喜雨獨酌

同汪雲溪太守李龍洲侍御劉百洲太守錢羅湖州守

岳東潯別駕登懷庾樓

修竹篇

雨霽遊蕭氏園亭

七賢咏

夜燕曲

怨歌行

再寄胡劔西二首

瀟湘道中

暮宿田家

謁岳廟作

祝融峰

謁晦翁南軒祠示諸同志

同貞菴殿下李羅村飲述齋園亭

人日對雪贈朱鎮山

宿荆門寄懷郢中知舊

獨漉篇

詩二 七言古

遼左奏捷

恭題文皇四駿圖四首

恭詠畫鹿四首

太平歌

送勅使閱武

白燕曲四首

應制題畫馬二首

元夕行 大行皇帝御製詩一首 神煇十首

送徐浴泉考績還任

三瑞詩為嚴相公賦

曹紀山督學題老子出關圖見寄謝之

贈國子馬生行

桃溪書屋

寶劍篇

皇貴妃發引鼓吹詞 附

漢江

割股行

雪中東劉生

雙燕詞

送黃將軍

詩三 五言律

應制荷花詩

應制題百子圖

應制題畫四首

孝恪皇太后遷祔鼓吹詞一首輓歌十首

賦得玉河冰泮

閣試秋霽

秋夜感懷寄欽之二首

山月曉仍在

返照

送范比部恤刑廣右四首

元夕

秋夕省直

雙河寺小憩

送黎封部參藩廣右二首

郊寺送客三首

雨中過周比部

題隱菴遠寄亭

登仲宣樓二首

送汪遠峰太史省親二首

咏虎邱圖

孝烈皇后挽歌二首

莊敬太子挽歌

送張少渠之鄞

寄枝江殿下

初秋四首

送楊別駕之瀘

同李石麓張西吳遊正法寺二首

送趙方泉出按應天二首

宿裕州侯晴

月下懷曹紀山侍御二首

送朱文石使楚二首

與李義河給諫約遊衡岳不至奉嘲二首

重遊蕭氏園亭二首

送張襄之歸新喻

送石椽

半山亭

方廣寺宴坐次念菴先生韻并致仰懷

訪大方禪僧次念菴先生韻

送毛青城謫滇南

書羅醫師鳳岡卷

寄題秀溪

別草堂作

同望之子文人日立春喜雪二首

成趣園夜讌限韻三首

送田青邱之南雄兼寄拒山先生二首

臨湖曲六首

送徐太學國式歸省

後九月九日賞菊閣試

馬上見西山

出左掖

詩四 七言律

恭紀聖德中興十事詩

恭祝萬壽無疆二首

恭頌聖德詩二首

園丘陪祀有述

恭侍講讀紀事

春日侍講

皇上祝聖母

遼左大捷

慶成侍宴

文華殿進講大寶箴應制二首

上林春曉

題荷花應制

元兔

黃鸚鵡

五色鸚鵡

玉兔

題畫貓應制

聖壽朝賀

送羅比部守甯國

壬戌七月望夕初幼嘉陳子嘉二年兄過訪次韻

中秋前二夜與諸君共集雙河寺

賦得秋色老梧桐

送初幼嘉年兄還郢三首

秋日集曾工部宅得天字

送翁雲松琴士還浙

詠江濱梅得陽字

塞下曲

送王邑博之定海

江中對月得郎字

范比部魯工部洪山人夜過得龍字

王明府之吉水席上致別

懷曾水部

省中對雪再用前韻

省中春望次吳侍御房山喜聞倭退寄郝侍御韻

再次吳侍御別陳侍御韻

送周比部慮囚江南便歸省觀二首

左闕校閱除書

送梁鳴泉給諫册封晉藩

病懷

詩五 七言律

巽州圖為沈封君題

壽王觀吾封君

夜過吳侍御得來字

中秋前再過吳侍御得陽字

味祕草堂卷為貞菴王孫賦

送涂司理之敘州

聞警

月夜登城

送方金湖之甯津

遊南海子

慰劉生臥病苦吟

李石麓晉翰學入直撰文遙賀

元日望闕

元日感懷

和貞一王孫八嶺山韻

寄胡劔西太史二首

畱別新鄉方大尹

壽馬年兄母八十

送譚少石之湘鄉

和答龍湖閣老舟中見示

雪中招友

九日宴汪年兄宅得清字

贈貞菴王孫二首

送楊生南歸

送呂都諫參知秦中

送林儀部視楚學

送陳見吾考績南還因寄親友二首

觀音巖次羅念菴韻

贈沈山人次李義河韻

宿南臺寺

出方廣寺

潛江憫澇

應城訪李義河給諫宿古城寺

吳大尹道南見訪古城寺楊溫泉李義河張陽蘇李方

土城夜集

泊漢江望黃鶴樓

山居四韻山水林木詩手畫四首

正月初四日南郊禮成

春日禁中卽事

送楊孝廉下第歸

精病懷

度河

七夕詠戲呈曹紀山館丈

西內卽事二首

對菊

鍾山堂

送袁少參之廣東

詩六

五言排律 七言排律 七言絕句

扈從齋壇賜觀齋宮温室紀恩

便殿奏事紀恩

賜御膳紀恩

擬咏四時山水花木翎毛畫四首

題孫公遺愛祠

上林春曉

泰陵春祀

壽嚴少師三十韻

梅中舍有作邀余賦

朱漢水墓

柏亭

遼左奏捷奉諭以授略成功賜白金襲衣紀恩

應制題畫鹿四首

應制題畫漁人二首

應制題畫馬

應制題四景翎毛

應制咏瓶花六言二首

安肅道中雪

自兜率往南臺行空霧中

水簾洞

聽泉

飛來船

應制白鶴吟十首

題呂仙口號

題竹

文華殿對



明張文忠公全集四言詩一

五言古

恭述祖德詩一首

赫赫我太祖應運開鴻基仗劍起濠梁羣雄摧若遺威德加四海混沌分兩儀勳華信巍煥典則仍貽垂成祖靖內難桓桓東征師奠鼎卜燕朔犁庭掃凶夷武功旣燁赫文命迺丕釐瑤圖仰再造萬國歌重熙景陵躬睿質披覽復忘疲斂衽接三輔一德無猜疑大淵間臨幸政務日疇咨大哉帝訓編道法何纏纏孝皇具至性恭已秉謙祗內庭遠嬖幸外圍絕遊嬉崇儉嘗卻貂聽言猶轉規太平十八祀萬姓有遺思肅

祖起南服龍飛會昌期屬當改絃初制作命夷夔論道闡敬
一明倫垂典彝九重握金鏡太阿恒自持臨御逾四紀恭已
化無爲二祖肇皇綱三宗奠天維成功燭宇宙濊澤洽蒸黎
我皇亶神聖明兩赫重離河山光大業宗社錫繁禧締構想
艱難豐芑思燕詒儀刑見羹牆謨訓遵著龜率乃祖攸行萬
世永有辭愚臣備樞軸理道慚無裨敬陳祖德篇惟帝其念
茲

恭勵聖學詩一首

元后輔萬邦綏猷良不易若稽古哲王多聞乃建事堯舜帝
者宗精一闡微義夏禹旣祗德殷高亦遜志成后務緝熙周

詩詠小毖猗歟休烈光英聲播來嗣今皇體睿明冲齡纂神
器爰當訪落初卽做金華祕書帷簡儒彥藝圃覃文思朝昃
不遑暇寒暑靡斲離寰宇仰休明風雲慶遭際顧以譾陋質
無能補天地願言崇聖功問學登純懿勿云天聰明無爲事
博識圖書足自娛兼之益神智勿云富春秋茂葉聊可諉寸
陰重逾璧居諸易流駛勿云履崇高優游保天位君心苟縱
逸萬幾遂顛墜勿云當燕閒可以快志意一暴而十寒細行
終爲累戒彼鴻鵠心專精道乃致誓御必端良勿狎於非類
爲山九仞崇成功歸一篲慎初惟克終永保無虞治愚臣職
司規敢以告中侍

恭頌母德詩一首

聖化基中闡坤儀貞萬方塗山翼夏啟文母誕周王徽音著
彤管奕奕流芬芳我明肇造初孝慈佐高皇艱難扶景運在
宥相乾綱補苴感將士採拮親蠶桑居貴不忘儉大練爲衣
裳文皇勤厥家亦由內德良思媚惟仁孝箴言足贊襄嘗爲
女訓篇睿謨何洋洋呂霍垂永鑒寵溢慎其防休哉二后烈
邁彼妣與姜貽謀及來裔繩繩慶方將猗歟我聖母世德宣
重光扶天致昇平毓聖纂靈昌履盛彌勤恪秉禮日矜莊內
庭政無譁外家恩有常明達信如此馬鄧豈足望九重勤孝
養萬寓際時康永言綏壽祉地久與天長

擬西北有織婦

西北有織婦容華豔朝光朝織錦繡段暮成龍鳳章投杼忽
長吁怒焉中自傷綿綿憶遠道悠悠恨河梁遠道不可見淚
下何浪浪春風捲羅幙明月照流黃山川一何阻雲樹一何
長安得隨長風翩翩來君傍願將雲錦絲爲君補華裳

柬李鵠野

同居長安城累月阻談讌雖無簿領急嬰此微痾患日夕想
音徽躊躇夜參半況茲霜霰積淒其歲云晏靡靡眾芳萎苒
苒物候變已愴世慮嬰兼之越鄉歎非君慰寂寥幽思何由

見

述懷

豈是東方隱沈冥金馬門方同長卿倦臥病思梁園蹇子秉
微尚適俗多憂煩側身謬通籍撫心愁觸藩臃腫非世器緬
懷南山原幽澗有遺藻白雲漏芳蓀山中人
不歸眾卉森以繁永願謝塵累閒居養營魂百年貴有適貴賤甯足論

送高廉泉之任

秋風振燕山念子當遠征離鴻遵別渚驚呼求其朋征馬鳴
蕭蕭僕夫促嚴程願言不能終揮涕沾長纓歡觴爲悲酌清
絃動哀聲攜手臨廣陌含情各酸辛風塵何擾擾世途險且
傾勉哉崇令德慰此離索情

送黎忠池二首

在昔同心祕出入承明闈蹇余陋劣姿謬得偶賢達慷慨金
蘭契晤言懷抱豁如何歡讌促倏忽萬里別婉孌夙昔意一
旦成契闊閩海去悠悠征途候明發感舊思方積悵遠情彌
但一望潞河水愁心不可越

余有歸與興抱病淹朝秩君懷濟世心攬轡辭皇邑以茲負
羈羽羨彼搏雲翼況多感慨情世慮纏胸臆盈盈別淚泣漫
漫歧路及不惜去日遠我懷誰與析世路方嶮巇修名苦難
立願以皓首期無爲素絲泣

適志吟

有欲苦不足無欲亦無憂義和振六轡駒隙無停雷我志在
虛寂苟得非所求雖居一世間脫若雲煙浮芙渠濯清水滄
江飄白鷗魯連志存齊綺皓亦安劉偉哉古人達千載想微
猷

蒲生野塘中

蒲生野塘中其葉何離離秋風不相惜靡爲泉下泥四序代
炎涼光景日夕馳榮瘁不自保倏忽誰能知愚暗觀目前達
人契真機履霜知冰凝見盛恒慮衰種松勿負垣植蘭勿當
遶臨市嘆黃犬但爲後世嗤

羽林郎

霍家蒼頭兒姓馮名子都寵借將軍恩身爲執金吾朝遊平
樂觀暮宿酒家壚青絲宰驪馬觀者隘路衢鬪雞狹邪道結
客平陵隅杯酒吐然諾千金爲錙銖司隸不敢問豪吏徒睢
盱勢利可薰人甯論知與愚吁嗟原憲輩白首困桑樞

余有內人之喪一年矣偶讀韋蘇州傷內詩愴然有感
昔人怨離居余亦羅斯患銜情對嘉藻掩卷空長嘆蹇薄邁
運屯中路棄所歡嬾婉一何促飲此長恨端離魂寄空館遺
嬰未能言玉匣掄明鏡塵埃雙帶盤感此意慘愴觸物憂思
攢落月挂虛牖淒霜生暮寒沈綿夜方永倏忽歲已單滯慮
信爲感幽懷詎能寬悲哉難具陳淚下如迸瀾

朱鳳吟

朱鳳失其羣十年不得雙
早棲漢宮樹獨啄瑤草芳
羽族雖萬類誰可相頡頏
西來見王母假我青鸞皇
翳我上太清飄飄浮雲翔
竹實已千載修梧蔽扶桑
窮覽週八極遨遊仰三光
仙遊誠足娛故雌安可忘

喜雨獨酌

振風起西北飄颻撼庭幹
長空響洊雷驟雨何零亂
奔騰走蛟龍倒瀉傾河漢
倏忽庭除下森漫生波瀾
沾灑遍枯槁翩翻舞沙燕
遙嶺合翠微平林鬱蔥蒨
伊余困積熱閒居解簪弁
披襟臥北窗橐管辭東觀
嘉此涼霽愜且復屏紈扇
開樽

聊命觴欣豫以濡翰

同汪雲溪太守李龍洲侍御劉百洲太守錢羅湖州守
岳東潯別駕登懷庾樓

丹樓造天居遐瞰靡不周
江聲動地轉楚岫與雲浮
索處獨無緒騁望且銷憂
况茲邁芳月欣賞藉名流
輕煙翳華薄時雨霽芳洲
灌木鳥嚶嚶飛鳴求匹儔
景物既蔥蒨嘉會亦綢繆
但恐濛汜夕餘光不可留
風塵暗滄海浮雲滿中州
目極心如怒顧望但懷愁
且共恣嘯歌身世徒悠悠

修竹篇

孤篠植汶陽鐘籠挺陰崖
何似侶幽人結根煙水湄
修枝拂

沓靄接葉映漣漪陰森野氣積夏擊涼颿吹朝露綴瓊玖宵
月蔭參差水吟蛟龍蟄雲盤鳳鳥儀永願老煙霞甯知勞歲
移但畏伶倫子截此凌霄枝裁鑿豈不貴所患乖天姿亭皋
霜露下淒其卉草衰願以歲寒操共君搖落時

雨霽遊蕭氏園亭

端居苦沈鬱振策憩雲林夕雨盪氛埃惠風扇輕陰以茲景
色麗脩然生遠心披榛尋徑曲排雲眺嶠嶽樛松宿煙靄延
蘿挂襟簪江花送餘馥山鳥懷好音仰欣天宇闊俯視萬卉
森洗觴幽樹底長嘯白雲岑折蒙霏瓊屑濡毫動蘭吟日夕
車馬散林塘紫翠沈

七賢咏

余讀晉史七賢傳慨然想見其爲人常嘆以爲微妙之士貴
乎自我履素之軌無取同塗故有謗讟盈於一世而獨行者
不以爲悔沈機晦於千載而孤尙者不以爲悶斯皆心有所
愜遊方之外者也夫幽蘭之生空谷非歷遐絕景者莫得而
采之而幽蘭不以無采而減其臭和璞之縕元巖非獨鑿冥
搜者誰得而寶之而和璞不以無識而掩其光蓋賢者之所
爲眾人固不測也況識有修短跡有明晦何可盡喻哉今之
論七賢者徒觀其沈酣恣放哺啜糟醅便謂有累名教胎禍
晉室此所謂以小人之腹度君子之心獨持繩墨之末議不

張文忠公全集 七
知良工之獨苦者也嘗試論之易翼有言天下同歸而殊塗
一致而百慮故語默不同其撰一也弛張異用其旨歸也巢
由抗行稷契宣謨並容於堯代箕子佯狂比干死諍俱獎於
宣尼世豈有異議哉余觀七子皆履冲素之懷體醅和之質
假令才際清明遇適其位上可以亮工宏化贊興王之業下
可以流藻垂芬樹不朽之聲豈欲沈淪滓澁無所短長者哉
而值禪代之朝在元黃之際當塗之鼎未移睥竊之謀已熾
司馬父子自以人心未厭懼大業中傾於是芟除異已樹植
同盟世家鼎族咸就誅鋤名德才流並罹荼毒方其豪主狼
吞羣才烏盡於斯時也進欲佐命成功則賈充荀勗之儔七

子之所恥也退欲高蹈遠舉則孤特自表以速患害又七子
之所不爲也自以道高才雋深慮不免故放言以晦貞沈湎
以毀質或吏隱於廊廟或泊浮於財利縱誕任率使世不得
而羈焉然其泥蟠淵默內明外穢澄之不清深不可識豈與
世俗之蒙蒙者比乎蟬蛻於糞溷之中矚然涅而不緇者也
其清言名理冲襟逸度猶足以拔起後生滂漉沈溺彼王澄
胡毋彥國之倫遇旣殊時才復異等而希心元勝妄意宗流
徒竊皮毛遺其神髓殆所謂畫虎不成反類狗者也世遂以
此詆訶前人因噎恚食豈不枉哉若夫中朝喪亂胡羯猖狂
彼自以負荷乏人貽謀不令識者已鑒於數十載之前矣又

張文忠公全集
豈七子之過耶嗟乎大鵬翔於寥廓斥鷃戲於枋榆鈞天之
庭豈工師之所躡無航之津非鼃鮒之所遊世之汨沒於腥
羶者固無足道而小儒曲士自守一節又烏可以談尺寸之
外哉七子之義幾於晦矣昔司馬子長願執鞭於晏子長卿
託名於相如此人皆懸解神契不隨俗之好惡者余竊高七
子之節因以暇日敘述遺事各爲短咏以紓其幽致雖不敢
謂獨契古心庶亦不移流俗亦冀元覽達觀君子有以明余
之志焉

阮步兵

阮公生人表英才固天啟解角風塵會戢翼雲林裏從容謝

婚媾沈湎混泥滓郁彼咏懷言寄辭蘊元理

嵇中散

中散龍鳳姿雅志薄雲漢少無適俗韻早有餐霞願調高豈
諧俗才儁爲身患纏悲幽憤詞結恨廣陵散

山司徒

巨源江海情本欲全高尚瀟洒秉樞軸疇能測宏量密識既
淵沈清心亦玉亮談笑獎人倫千齡稱哲匠

劉參軍

參軍傲儻客逸氣凌八紘任眞蒙叟放慢世長卿情頌酒固
有託荷鍤眞達生顧念區中土燕雀空荆榛

王安豐

濬冲夙清拔志與浮雲徂時哉忽遷化緬邈黃公壚雖有纓
紱累終知世網疏鑽李豈通蔽持籌乃白汗

向常侍

子期耽元默山陽邁心侶南華洩幽祕奧義清泉吐躡履登
承明詭對輕巢許悲涼懷舊篇獨共冤魂語

阮始平

仲容寡名欲越禮自疏放審均非術解識達由神曠嫫美眾
所嫉出守情彌暢萬物莫能移斯言誠可諒

夜燕曲

朗朗宵月流爛爛河星光晝樂苦不足夕宴啟高堂旨酒千
春醞瓊筵百福香清管發東謳豔舞進西倡綺羅紛雜還言
笑吐芬芳明珠垂列壁錯落黃金缸千金壽客飲萬年酬主
觴薜華耀朝日桃李熙春陽月魄不重盈花落豈再揚悟彼
蟋蟀歎為樂及時康朱光發東白歡虞方未央

怨歌行

步出上東門桃李夾路傍花花自相對葉葉自相當解一
迢迢蘭渚東綠水雙鴛鴦飛鳴嘯儔匹行上自成行解二
牽牛不負輓織女虛七襄可憐仙靈匹萬古限河梁解三
種蓮高山顛枝葉那得長斷綆落銀瓶何由汲寒漿解四

馳波赴東海晦魄淪宵光盛年若為容顛顛令心傷解

再寄胡劔西二首

昔我遊京華通籍金馬門鏘鏘眾英列璀璨富瑤琨夫君起
豫章五色鳴朝暎流藻發春華吐論瀉洪源伊余信薄劣攀
雲仰天閭如彼枋榆翮翮飛附大鷗省已終日憇偃臥返邱
園竭來清江濱三易涼與温誰言棲息異契闊有成言流俗
薄素交久要古所敦

塤箎不同器和鳴發宮商方圭與圓璧俱登君子堂民生各
有性迭用異柔剛羨君倜儻概千里何昂昂而我荏弱姿忍
垢懼發銳偏智守一隅語默互相妨通人貴兼畜忘已歸大
方韋絃著爛戒黑白耀文章所願共追琢德音長不忘翳彼
他山石可用瑩精光

瀟湘道中

江南佳麗地靈境信隈隩連峰造天關石筍插雲足我前擁
煙霞我後映松竹飛竇洒征衣山光盪人目朝採碧澗藻夕
息清湘曲側想素心人浩歌渺空谷逸駕如可從吾當謝簪
紱

暮宿田家

暝投谷田港野日沈荒岡行子昧所如假息墟里旁野老喜
客至開門下嚴裝坐我茅簷下飯我新炊梁兒童四五輩趨

張文忠公全集
五
走行壺漿箠箠有餘粒傍舍遶叢篁攘袂再三起向我誇耕
桑體貌雖村愚言語多慨慷世儒貴苛禮文縉意則涼大羹
不俟和素質本無章感此薄流俗側想歌皇唐

謁岳廟作

炎州標靈嶽歸然奠南極興雲翊帝工陰峰直軫域千秋儼
廟貌邦典祀有秩我來叩幽祕躋雲屢登陟齋心肅永夜盼
蠻如可卽髣髴邁眞侶排空假羽翼授我玉杵藥光耀有五
色瑤草吐雲英金書啟石室顧慙塵土軀恐負心所憶願言
藉神休精誠倘能值

祝融峰

祝融羣峰表崑崙萬古雄采虹挂丹磴邈若升蒼穹舉手捫
太微天關洞開通璀璨南斗星垂珠當我俯俯瞰六合內沆
漭煙雲重浩如太始初二氣涵冲融須臾湧陽景倒挂扶桑
東瀛海不復辨三山安可窮寄謝馭風子吾將遊混濛

謁晦翁南軒祠示諸同志

兩賢異鄉域千里還相求祇爲戀徒侶能忘路阻修我行躡
遺跡仰見祠屋幽高山近可仰嘉會亦綢繆

祠前堂名嘉會

俛首念

疇昔戚戚懷殷憂能抱遺俗心賦質闇且柔曩屢負喬嶽有
志力不適願我同心侶景行希令猷涓流匯滄海一簣成山
邱欲騁萬里途中道安可畱各勉日新志毋貽白首羞

同貞菴殿下李羅村飲述齋園亭
結侶芳春時置酒忘憂館既枉東阿轍復集西臺彥韶物詎
能幾繁花開已爛芳林啼早鶯雕梁語新鶯徘徊花林間坐
惜流光換朝遊忘景昃夕遊候宵半華月麗層穹河星出有
燦四座咸怡豫羽爵行無算歡追鄴下蹤賞挹平臺宴伊余
媿薄劣謬忝同聲睠開緘翫嘉藻入手明珠璨勝遊如可續
及此陽春日

人日對雪贈朱鎮山

今日良宴會噓瑄測候移況逢春風起吹雪下瑤墀九達密
如繡雙闕影離離煙郊亂晴絮遠樹放華滋佳此景色麗熾

婉覲心知且爲陽春吟願子驅車遲

驅車雪上飛下車冰已泮翹首望嵩高遙遙隔河縣仙花行
可采沐柳看應暗窮谷旣晞陽東人亦待日戀侶徒搖搖驪
駒安可絆仰攀瓊樹枝聊以贈繾綣

宿荆門寄懷郢中知舊

秋分氣已厲原野莽蕭森我行未越疆已覺離思深解轅造
山館山館靄沈沈朝行畏霜露夕息憶重衾飄雪出遠岫落
葉辭故林已愴物候變况驚離別心違顏曠庭彩戀侶解朋
簪徂途指有餘歸鞅杳難尋引領飛鴻翼遲爾江上音

獨漉篇

引文忠公全集
獨漉獨漉羊腸坂曲積羽叢輕翻車折軸彼何者烏來往翩
翩機腐啄腥嚇鳳驚鸞萋兮菲兮貝錦是張猱狗所吠吠此
宵行同行竊金按劍相疑子實不良畏我子知銜珠向君精
光可燭小人在旁猥曰魚目國士死讓飯漂思韓欲報君恩
豈恤人言

邑人曾念黃校
田吳焯校

明張文忠公全集四

詩二

七言古

遼左奏捷

長白山前書傳箭鮮卑羯兒騎如電軍書昨夜馳樂浪天子
登壇策飛將羽林六郡稱材雄撻金伐鼓蒲河東左馘名王
右生虜歸來血染寶刀紅胡笳吹落關山月捷書飛報承明
闕洗兵遼陽海水沈立馬天山陣雲沒皇恩已讐五單于小
醜那復憂東胡將軍超距稱雄略制勝從來在廟謨

恭題文皇四駿圖四首

龍駒

鄭村壩大戰胷堂著一
箭都指揮丑丑拔箭

天馬徠翼飛龍蹏削玉耳垂筒碧月懸雙頰明星貫兩瞳文
皇將士盡罷虎復有龍駒助神武流矢當宵戰不休汗溝血
點桃花雨壩上摧鋒第一功策勳何必滅元戎君不見虎士
標形麟閣裏龍駒亦入畫圖中

赤兔

白溝河大戰宵堂著一箭
都指揮亞失帖木拔箭

雷鉤鉤北軍來赤兔走黃雲開攬身超夾澗策足絕塵埃白
溝原頭振鞞鼓貫陳穿營猛如虎穆王赤驥詎為奇昭陵發
電應難數百戰間關未解鞍箭瘢還向畫圖看只今四海昇
平日誰識當年締構難

棗驪

小河大戰宵堂一箭後兩曲
池一箭安順侯脫火赤拔箭

紫驪馬金絡月朝刷燕晡秣越倣精權奇超驤走滅沒當
年萬馬盡騰空就中紫驪尤最雄戰罷不知身著箭飛來祇
覺足生風北風獵獵吹原野長河水漸血流赭誰言百萬倒
戈中猶有彎弧射鉤者

黃馬

靈壁縣大戰後曲池著
一箭指揮雜兒拔箭

軒后興龍馬翔駕天駟乘飛黃迴頭看紫鸞顧影失超光君
王神武古來少萬里煙塵一劒掃馬蹏蹏處山為摧何論陳
暉與平保揚鞭渡淮淮水清金陵父老壺漿迎從此華陽休
駿足山河重整泰階平

恭詠畫鹿四首

鹿濯濯在靈囿崢嶸玉角新點染霜毫秀捧駕應從西極來
銜環欲獻南山壽

鹿呦呦食野萃松間求友出泉上引麕行齊宮漢苑紛相狎
豐草長林空復情

鹿麋麋聚中原草香尋宿麝樹暝伴嘯猿虞山尙憶羣遊地
梁沼還承顧盼恩

鹿甞甞在中林養茸芳徑暖照影碧溪深上苑不須驚羽獵
皇仁應有放麋心

太平歌

中興日月開明庭垂衣御宇朝萬靈雞鳴入問龍樓寢燕坐

親談虎觀經四時玉燭調元氣萬國梯航皆遠至雅奏應諧
韶護音豫遊不事曼延戲太平之象復如何五風十雨禾黍
多小臣拜手陳無逸願以兢兢保太和

送勅使閩武

貔貅百萬護神京細柳雲屯大將營雄稱六郡良家子氣壓
三河俠少名我皇中興初復古四海時平猶整旅巡邊勅使
出承明奉詔臨戎來閩武麒麟錦帶佩干將魚鳥分麾躍驪
驪擐甲林林皆鼓勇彎弧一一直穿楊軍威萬里播幽朔胡
天已見旄頭落始知頗牧在禁中何事勞師勤遠略

白燕曲四首

白燕飛兩兩玉交輝生商傳帝命送喜傍慈闈有時紅藥階
前過帶得清香拂繡幃

白燕來呈瑞向瑤臺映日靈姿璨凌風雪翼開春長花發春
宮裏弄影雙飛日幾迴

白燕翔素影落銀塘交飛紅菡萏遙映紫鴛鴦太平景物先
呈兆燕喜年年樂未央

白燕舞日照葵心午輕縠翦躑衣清歌諧細語感德踰踰儀
舜庭呈祥翯翯來文圃

應制題畫馬二首

五花驄馬青絲絡宣德年中景陵作只今百五十年餘生氣

權奇宛如昨良樂一顧價千金爭似君王寶愛深非緣愛物
圖神駿要識兢兢朽索心

丹青好手曹韓筆貌得天閑紫驪匹晨鳧飛燕敢爭雄絕景
超光意俱失漠漠胡沙瀚海秋幾隨漢將覓封侯時清斂卻
追風足芳草閑眠飲碧流

元夕行

今夕何夕春燈明燕京女兒踏月行燈搖珠彩張華屋月散
瑤光滿禁城禁城迢迢通戚里九衢萬戶燈光裏花怯春寒
帶火開馬衝香霧連塵起絃管紛紛夾道傍遊人何處不相
將花邊露洗雕鞍溼陌上風迴珠翠香花邊陌上煙雲滿月

張文忠公全集
落城頭人未返共道金吾此夜弛但愁玉漏春宵短御溝楊柳拂銅駝柳外樓臺雜笑歌五陵豪貴應難擬一夜歡娛奈樂何年光宛轉不相待過眼繁華空自愛君不見燕臺向時歌舞人歌舞不聞明月在

送徐浴泉考績還任

使君來從函谷關獨驂兩鳧翔雲間君王爲念秦父老再借旗旆西來還長安三月春已暮渺渺離亭暗燕樹念我空多別後思憐君更向來時路太行連天煙霧多終南西望愁經過莫嗟遠別春明外計日鷓行聽玉珂

三瑞詩爲嚴相公賦

仙翁來跨兩青龍頭骨豎削而龍嵒化爲雙竹凌蒼穹山中夜雨飛龍去唯見孫枝滿舊叢
延恩閣何崇崇下見芝草紛丰茸光耀五色輪囷其中日月所照精英所鍾主人壽考百福隆商雒之歌安可同
猗嗟蓮誰所移葆盤礴花紛披靈根迴與凡卉異太華之種爭神奇聯跗共蒂彩煜煜華堂清蔭相參差初疑天孫來雲錦光陸離俄驚弄珠侶濯波江水湄扶植元因造化功愛護似有神明持君不見秋風江畔眾芳萎唯有此種方葳蕤

曹紀山督學題老子出關圖見寄謝之

君不見赤烏東飛寶鼎斜豐宮鎬殿煙塵遮王風寂寞萎蔓

草豪國奔騰如亂麻仲尼乘桴泛東海伯陽西遊度流沙流
沙迢迢幾萬里休氣榮光半空紫下看六合滿塵埃鴻飛卻
在雲霄裏強畱著述傳後人鳳毛麟角甯足珍大象由來貴
冥契世上言語徒紛紛君不見函谷關高陵深谷須臾改紫
氣青牛竟何在千年石壁瑣空冥金書玉簡埋光彩苦思大
藥駐朱顏逝水馳光豈相待我昔圖南奮溟渤身逢明主遊
丹闕作賦恥學相如工干時實有揚雲拙一朝骯髒不得意
翩翩歸臥滄江月故人知我煙霞心遙傳毫素寄雲林看圖
髣髴猶龍面使我跌宕開塵襟塵襟已消豁世網誰能侵休
言大隱沈金馬且弄扁舟泛碧潯他年紫閣如相憶煙水桃

花深更深

金井草深幽室白
香空飄散

贈國子馬生行豈
驚聽陽春詞由來此曲和者寡眼底紛紛亂鄭雅鴟鵬跋躡
風塵中驂騑伏櫪鹽車下爾來不覺四十餘有策未獻承明
廬南山老棄孟東野渭橋那識馬相如吹竽自恥投齊好手
提雙龍走燕趙縱觀七澤未足奇彈鋏躍馬長安道長安大
道連狹邪五侯七貴競紛華歌鐘夜宴平陽宅玉樹朝開上
苑花平陽上苑春如織意氣傾人生羽翼眼前空自愛繁華
馬生視此淚沾臆富貴由來苦不常風雲變態如瞬息不見

張文忠公全集
當年許史家朱樓綺戶青雲逼一朝寵失門祚衰堂前一一
生荆棘乃知世事如短蓬飄揚倏忽浮雲空丈夫且知貴適
志安能蹙曲坐樊籠燕山十月朔風起挽車欲度桑乾水翻
然長嘆歸滄溟轉望青山白雲裏煌煌日照京路塵道傍相
送車麟駟馬一去不復顧回頭卻笑塵中人

桃溪書屋

澗濱子少年卓犖稱經綸五言下筆如有神手握隋和不易
售十年閉戶桃谿濱桃谿繞澗春流滿靈境高蹤兩幽絕載
酒難尋楊子亭尋源豈識秦人宅三十作賦登君門鳳凰在
斂鶴在軒金花瑤草祕幽室白石蒼苔空履痕

寶劍篇

君不見昔時歐冶鑄雙劍乃是赤堇之金若耶之銅元鼎烹
煎白帝髓洪鑪鼓熱炎精融冶開龍虎歛揮霍青天倏忽飛
長虹神物變化世叵測誰知埋沒豐城側鹿盧剝落苔蘚暗
龜藻朦朧土花蝕忽如赤道霾妖氛蟾闔金精太陰黑司空
仰鑒斗牛精冥漠千年竟合并鬪起幽泉霏雪冷洗開殘暈
玉華明握中科斗深深見匣裏蛟龍夜夜鳴扶風豪士吳門
客見此倉惶喪精魄荆卿七首色黯淡越國流星氣蕭索五
都聲價詎能測一諾慙慙重想結提攜西向蜀關道萬里煙
塵淨如掃山中野魅走慄慄水底長鯨欲奔倒至寶由來有

冥契烈士得之壯懷抱君不見平陵男子朱阿游直節不肯
干王侯卻請上方斬馬劍攀檻下與龍逢遊丈夫礪礪貴如
此何能齷齪混泥滓看君倜儻有奇概贈此相逢慰知已尊
前舞罷玉龍飛一道寒光迸江水

皇貴妃發引鼓吹詞

附

靈輻出祖沙河路夜月韜光霜積素綵鸞翔青鳥御玉簫聲
斷空煙霧行雲已飛去欲挽颿車難住天際蒼蒼陵樹極目
傷心處

漢江

漢江東流風作波南船北楫愁經過舟師縮手抱雙槳對客
唱公無渡河襄陽渡頭春可憐襄陽城北花含煙大堤高樓
酒初熟歡吟且駐木蘭船

割股行

割股割股兒心何急捐軀代親尙可爲一寸之膚安足惜膚
裂尙可全父命難再延拔刃仰天肝膽碎白日慘慘風悲酸
吁嗟殘形似非中道苦心烈行亦足憐我願移此心事君如
事親臨危憂困不愛死忠孝萬古多芳聲

雪中柬劉生

十日不出風雨繁風號泉枯爭雁喧江頭梅蘂凍不發欲覓
濁醪何處村城南處士索居者四壁寥然對虛牖桂薪玉粒

烏裘敝千金賣文復何有君不見五侯酒壚紅燄天
毼毼錦帳坐烹鮮閉門不肯學干謁被褐苦吟誰其憐

雙燕詞

燕燕東南飛翩翩舞衣亂弄影交栖秦帝宮合歡竝入昭陽殿
昭陽殿秦帝宮高樓幾處來春風珠簾繡柱宜朝日翠幌金鋪結
晚虹嘯嘯還命侶拂翠復翻紅細語巧隨歌管換芳泥解點杏梁空
只愛春光共流轉甯知搖落秋江晚卻憐海鶴與冥鴻翻飛獨傍孤雲遠

送黃將軍

雉飛不出林鵬舉輕千里男兒所志在四方何用碌碌困泥

滓吾觀黃君風骨殊數奇不合長次且神鷹豈爲凡鳥顧
騏驥終非駘下駒丈夫龍變世叵測風雲忽動垂天翼滿亭猶
識李將軍冷灰復煖韓安國東市駿馬北市羈酒酣笑揖黃
金鞭寶劍平生心所重臨行持贈結交歡

明張文忠公全集四賦田理樂飲向畫圖香
詩三

明張文忠公全集四賦田理樂飲向畫圖香
詩三

五言律苦雨來春餘半黍禾千畝
應制荷花詩

液池涵聖澤靈卉吐仙葩皎素凝瓊雪輕妍簇絳霞蟠桃同
介壽萱萼並敷華歲歲臨長景呈祥應帝家
應制題百子圖

襁緜鍾慈愛羣嬉悅聖情眼前看赤子天下念蒼生雛鳳翩
翩舞祥麟隊隊行百男今有兆太姒在周京
鬢髻誰家子芳林劇戲親玉繁庭際樹珠弄掌中人少小看
頭角嬉遊總性真應知皇澤遠麟趾自振振

邑人程作霖校
田吳昭校

應制題畫四首

牧童騎牛吹笛

是處桑麻好田家樂事同耕犍閑白晝牧豎趁春風短笛乾
坤裏長林雨露中命儔還藉草相與說年豐

牧童持鞭

隴上朝朝牧歸來路不迷飲流非避世扣角豈干齊
任東西

牧童竿懸蛙蟹

釋卻沾塗苦閑來弄釣竿黍禾千頃熟煙雨一簑寒處處溪
流滿山山秋色闌不知田野樂為向畫圖看

牧牛按拍歌

驅犢行遊徧遙村復近阿亂山秋色暝高樹晚涼多不識官
輸苦焉知帝力何太平無一事按拍且高歌

孝恪皇太后遷祔鼓吹詞一首輓歌十首

鼓吹詞 應天長

赤龍降後登仙早露滿園陵悲宿草啟元宮揚素旒乘蕭
蕭風嫋嫋葆吹千峰遶悵望慈雲縹緲白鶴歸來華表鳥嘯
山月曉

輓歌

毓聖恩無極遊仙夢不歸載逢元隧改重念紫宮違帳殿松

陰合鈴歌籟露晞永陵原上月今夕見重暉
憶昔推宮範于今戴母慈渚虹方衍慶風木已興悲專祀隆
周典陪陵備漢儀丹旌遙發處一望一淒其

虞琴方罷奏湘瑟久含愁班竹無雙淚蒼松共一抔掖庭春
寂寂山殿夜悠悠不盡終天思淒風三月秋
曉日金山道靈輻向北移祇看雙鳳翼遙度九龍池日月迴
陵谷風雲護羽儀共知明主孝甘露洒瓊枝

嗣望膺宸極重闈正寢園身違天下養名極域中尊
輿輅迴芳甸星軒復紫垣千秋霜露候冠佩肅陵原
自昔親蠶日盆縑幾度陪春風依舊到仙馭不重回北隴泉

扉啟西郊輦路開綵雲偏有意來去遶陵臺

梧野營新兆金山從舊封鏡埋長隱鳳劍化自從龍暝色浮
千嶂濤聲起萬松迴瞻佳氣合蒼翠鎖居庸

北極恩長戴東朝養未伸月殘長樂夢花發霸陵春典禮遵
前古哀榮及此辰孝思根聖性於望幾傷神

地應占沙勝天開夢日祥一辭丹鳳輦長返白雲鄉月落千
峰暝烏嘯五夜霜尊榮及泉壤舜孝仰重光

德以璿闈著名從玉簡傳無疆元應地有子正當天遺佩藏
丹壑飛輶入紫煙煮蒿霜露夕悵望自年年

賦得玉河冰泮

引文忠公全集
御澗開凝凍春波遶苑牆碧搖宮柳色紅映曉霞光噴浪知
魚躍連雲下鷺行漸看新漲湧幾曲碧流長

閣試秋霽

爽氣澄殘暑晴光滿素秋黃知籬菊淨紅見野楓稠雁帶霞
光度天連山色浮邊烽昨已熄雲靄望中收

秋夜感懷寄欽之二首

海月稍稍落簷蛩細細吟芙蓉秋色老鼓角夜堂深峽水違
長笑江魚滯好音疏庸隨畫省燈下媿華簪

遲爾天衢步駸駸藻思豪青藜然夜火彩筆湧秋濤冀北誇
龍種圖南識鳳毛長安春色好不負杏園曹

山月曉仍在

蚤夜趨丹陛巖城聽曙雞孤鐘長樂轉片月太行低日氣光
還照霜華影未迷慈烏驚萬樹慙亂御溝隄

返照

落日千山暮寒光入薊城虛堂餘樹色御苑亂鳴聲擁衲僧
歸晚開軒客望平鄉關杳何處萬里一含情

送范比部恤刑廣右四首

客舍起驪歌雙旌擁玉珂紫貂衝白雪彩鷁渡黃河遠布虞
廷詔深知禹泣多卽看萬里去把袂奈君何

畫省三年績彤墀五色章君恩覃桂嶺使節指蠻方懷古悲

張文忠公全集
卷之四
四
蒼野登臺弔越王更須勤疏草解網答明光
春色盜金莖春風滿玉京市橋朋酒綠關塞客星明慷慨青
萍劍行過白帝城懸知思舊侶愁聽烏嚶嚶
卽有同心者甯如君與子過談皆意氣投贈自瓊瑤五夜西
曹夢三秋北雁書梅黃應下峽可得問蓬廬

元夕

薊門今夕夜皎皎徹寒墟不飲杯中酒其如月色孤鐘聲來
御苑火樹滿長衢相逐行吟者安知夜已徂

秋夕省直

涼颼何嫋嫋秋入白雲司爲讀騷人賦翻增旅客思蟬聲咽

高柳暝色下疏籬搖落關山外清笳晚更悲

雙河寺小憩

雲間開梵宇寂寂枕寒流萬劫空中息諸天象外幽地疑元
度宅河似白鷗洲卽此堪乘興風煙況早秋

送黎封部參藩廣右二首

尊酒河梁上穠穠夏木陰片帆千里遠一語百年深去住悲
離合乾坤自古今相思何處切纖月到疏林
於爾開青眼相看器自殊鳳翎天外出劍氣斗邊孤謝樹憐
雙玉雄文重兩都向來餘古意且得問蒼梧

郊寺送客三首

長文忠公全集

詩三

五

三句不出郭衝泥復此過輕風搖砌草遲日照渠荷僧飯盤
中足禪機物外多分題有新句投醉客顏酡
郊關頻送客因叩遠公扉下榻藤花落翻經野鶴歸諸天開
色象層閣入煙霏欲問無生訣那能遂息機
禪關幽寂甚一到隱心生禮佛鑪煙細烹茶鼎火明萬緣空
裏息半偈靜中清落日催歸騎依依鐘磬聲

雨中過周比部

客抱苦不愜因君一解顏入簾飛白雨起坐見青山計日江
南發何時漢闕還雙河秋夜月誰與叩禪關

題隱菴遠寄亭

勝地臨江漢危亭架沈寥簷陰飛凍雨窗洞引清飈竹影檀
欒密山光碧玉搖仙居不可問渺渺隔丹霄

登仲宣樓二首

一樓雄此郡萬里眼全開孤嶂煙中落長江天際來看題尋
舊跡懷古寄新裁不見操觚者臨風首重回

百雉枕江煙危樓倚碧天望隨雲共沒心與日俱懸柳暗迷
通浦沙明辨遠川登高愧能賦空羨昔人賢

送汪遠峰太史省親二首

紫閣朝陳疏青藜夜輟書里應諺結駟歸及薦江魚剡曲瞻
雲近庭闈愛日舒南陔如可續莫爲賦閑居

涇水不入渭此心唯見君但令心共許誰復嘆離羣別曲聽
朝雨歸帆逗海雲握中何所贈雜珮藉蘭薰

咏虎邱圖太史曾賦二首

野草荒吳殿浮圖出梵天雲霞通海氣樓閣瞰江煙林暝涵
秋色巖懸想瀑泉未能窮遠跡懷古一淒然

壽魏孝烈皇后挽歌二首

厚載侔天德勤勞翊帝功詎知鸞馭杳長使鳳樓空懿範傳
中禁遺言愴聖衷仙遊緲何處瞻戀五雲中

鴻號瑤圖啟鸞飛寶鏡沈白雲仙路迴元寢壽宮深上食開
行殿悲笳度遠岑昭陵空悵望風日晚陰陰

莊敬太子挽歌

鶴馭凌霄漢龍樓鎖寂寥空悲仙路杳無復寢門朝綺季辭
金輅浮邱侍玉霄惟餘鳳笙曲猶逐白雲飄

送張少渠之鄞

客路悲千里離旌指四明風煙連澤國秋雨緩王程迢遞雙
鳧遠翩翩一鶴輕碧雲搖落候相送若為情

寄枝江殿下

憶昔趨陪地煙雲入夢多斷蓬辭故土叢桂隱山阿消息經
年阻風塵奈客何梁園誰受簡白雪滿關河

初秋四首

玉瑄調商律金飈拂絳紗碧雲宮闕晚丹樹禁城遮客況看
流火邊愁入暮笳無能裁楚賦空自悵年華

花落昭陽暮寒生御液遲碧空浮霽靄黃葉舞輕颺靜愛潘
郎賦情深楚客悲涼風正蕭瑟莫唱漢宮詞

搖落憐鄉思居諸感宦遊蓴鱸江國縹砧杵漢宮秋步月愁
看影瞻雲愛倚樓有懷吟不就惆悵晚風颺

寒暄殊景物歲月嘆蹉跎況是天涯客其如秋思何金莖霄
露湛碧漢夜涼多獨立蒼茫裏閑愁付短哦

送楊別駕之瀘

去去西征客蠶叢路幾千江流通白帝劍道倚青天解纜驚

秋早維舟憶月圓時清官況好不似度瀘年

同李石麓張西吳遊正法寺二首

精舍何崇曠幽林景翳如風生洞戶冷雲度石堂虛已愜尋
幽勝因之慰索居坐深機事息飛鳥狎人裾

廣殿肅陰陰禪堂蘿薜深人疑元度至地即遠公林庭藥澹
清影林棲多好音紛紛非所好塵外且娛心

送趙方泉出按應天二首

繡斧出長安都人擁騎看豺狼當道避鷹隼逼雲搏蓋轉三
山動霜飛六月寒五陵多俠少應借惠文冠

金陵佳麗地樓殿鬱嶙峋龍起恢王業驄鳴出使臣山川行

處勝樽酒別時親去也馳驅日千金慎子身

宿裕州候晴

一雨徧霖潦長途車馬稀霏霏猶合幘
幕幕欲侵衣官舍鳥聲寂郡城山色圍
結軌候明發沈雲殊未歸

月下懷曹紀山侍御二首

子夜鐘聲徹高秋露氣清海風吹月白
流影向人明笛怨關山遠寒催砧杵鳴
不知烏府客茲夕若爲情
孤月生殘夜盈盈湧玉盤離人不欲寐
清景共誰看魄轉銀河溼光生草露寒
今宵有歸夢應遶碧雲端

送朱文石使楚二首

起草違丹陛銜綸降紫霄春原嘶去馬
山館聽鳴鑣郢雪歌中盡江花筆裏飄
會因雙鯉便莫遣尺書遙
雪裏年華改青門柳又新
可堪長作客還對欲行人
驛路嘒鶯合汀洲芳草春
數宵有飛夢先爾到江濱

與李義河給諫約遊衡岳不至奉嘲二首

再枉山中信期爲汗漫遊那知鴻鵠羽
翻爲稻梁謀謾解陳徐榻虛同李郭舟
雲天愁望汝高駕爲誰留
大鵬有修翰野雉無遠趾
分飛旣異路會合應難俟
芳洲杜已落江介舟徒艤
易子煙霞心毋爲困泥滓

重遊蕭氏園亭二首

不到南塘久鶯聲覺底繁野雲低抱石江氣遠含村只愛松
筠冷甯閑車馬喧相過已無數不必問前源

結構憐幽僻雲門網薜蘿祇愁迷徑術何意屢經過野食供
蔬茗山衣葺芟荷還期卜鄰並時共晒庭柯

送張襄之歸新喻

幽燕倦為客振袂思故鄉已愴通家恨猶憐別路長帆逐秋
雲迴行塞野杜香鼎山棲隱處還是謝公堂

送石椽

憐汝青雲器蕭曹可頡頏簿書悲骭髀公府失賢良未假風
塵會空瞻日月光誰當垂翦拂萬里必騰驤

半山亭

亭去祝融嶽廟各十五里居山之半

碧落平分竟危亭架沈瀟未窮天路盡已覺世塵遙雲海翻
銀浪風篁聽玉簫九關知不遠霞起祝融標

白雲處處滿行子暮何棲不辨幽林色惟聞歸鳥嘯虛巖映
靈籟人語隔前溪夜宿莊巖境明珠照客迷

方廣寺宴坐次念菴先生韻并致仰懷

幽隱何所託長與薜蘿期聽法過祇苑皈心禮大悲壑晴雲
起處松暝鶴歸時此意人先覺吾來已較遲

訪大方禪僧次念菴先生韻

煙雨曉微微山堂未啟扉花壇分石髓苔壁掛雲衣揮塵頻

問難停軻已忘歸曹溪一宿後真覺夙心非

送毛青城謫滇南

客有相如倦心耽揚子元浮名看自薄謫宦轉悠然別袂分
春色題詩隔暮煙從來富詞翰到日百蠻傳

書羅醫師鳳岡卷

攬德呈嘉瑞迴翔憶故居碧梧秋雨老修竹晚煙疏藥煮琅
玕實書銜金簡餘九苞有靈允還見羽儀舒

寄題秀溪

清溪開瀆潏飛瀑瀉洪流影向銀河落光涵玉鏡秋忘機魚
鳥狎卷幔水天浮為問沈冥客仙槎幾度遊

別草堂作

勞勞成徂兩惘惘背雲林自被移文誚誰知捧檄心庭篁虛
宿靄山鳥送餘音莫遽荒三徑金門肯陸沈

王翁同望之子文人日立春喜雪二首

暖暖宮雲綴飛飛苑雪來春隨銀箭曉花傍玉樓開西液流
澌滿東方瑞彩迴此時瞻朔氣斥候淨氛埃

信是春風早霏霏滿帝城莫呈七葉瑞瓊散六花英墀闕朝

光迴階庭夜色明占豐聊共慰和郢媿同聲

成趣園夜讌限韻三首

名園開綺讌藝苑聚文星共許心期結相看眼倍青吟為招

鳳曲書作換鶯經妙論超非相精思出有形夜深仙籟發疑
是躡天庭

秋色冷疏竹秋空點數星水光浮積素山色漾重青泛渚驚
初到尋源喜再經鶴馴階下影魚失鏡中形畫舸輕搖處人
稱小洞庭

帝子神仙侶蟠胸燦斗星奔騰宮裏驥俊逸海東青賦掩曹
王作精研莊叟經三田含內景五岳識真形自媿風塵客勞
勞隔逕庭

送田青邱之南雄兼寄拒山先生二首

銅柱天南郡懷君萬里行海波浮地闊嶺樹入雲橫風壤甌

閩近冠裳錦里榮還家見康樂春草句還成

問訊田夫子風塵阻見期斗山終自仰樗散媿相知寂寞元
猶白蹉跎鬢易絲徒藏匣裏劍未有報恩時

臨湖曲六首

結廬湖水西坐望湖水東東西兩相望疑是鏡光中解一

浩渺鏡湖波香風出芰荷月明山下靜時聽採蓮歌解二

月出波光碧波澄月影寒輕舟棹兩槳乘月弄潺湲解三

鼓枻下椒潭鶩舫馳桂嶼遙聞簫鼓聲嗚嗚隔前浦解四

鱗衝錦浪翻鷺點蒼煙縵人在水煙中忘機狎魚鳥解五

徜徉湖水畔湖水即滄浪詎似鴟夷子扁舟愛渺茫解六

送徐太學國式歸省

三禮知名久遊雍業更精君能傳戴聖子獨媿陽城魚膾思
親饌鶯聲亂客情漢儀如可就先聘魯諸生

後九月九日賞菊閣試

兩度逢陽九秋深菊未闌天應畱物色花不畏風寒撲琰香
猶細當軒影尙繁尊前愛餘景爲爾更凭欄

馬上見西山

帝里風煙豁西山送翠來芙蓉天外削圖畫望中開壘嶂環
都邑浮光接露臺馬前空仰止佳氣鬱崔巍

出左掖

獻罷甘泉賦還過彩鳳樓逼霄仙掌溼拂袖御香浮日戀彤
墀影煙涵玉澗秋回看禁城裏宮殿五雲頭

賦澤歡臨王闡林回香禁地裏宮闕正雲霞
 煥碧甘泉煇黼黻逐鳳野畝香山掌翠巒
 山陰劉崇文校
 邑人田吳炤

明張文忠公全集四

七言律

恭紀聖德中興十事詩

間宸承歡

長樂春深愛日遲
 慈闈燕喜及芳時
 堯門晨暮三朝禮
 漢殿春秋萬歲卮
 日曜龍章成彩服
 天開鳳藻作瑤池
 已將北斗傾仙醞
 還指南山祝壽禧

宵衣勤政

兩階庭燎簇旌旗
 曙色微微露未晞
 世泰何曾忘傲戒
 年豐猶自念寒飢
 乍聽漏滴疑搖珮
 纔報雞鳴已進衣
 君道克終

當致慎老臣特此贊惟幾

緝熙聖學

冲齡已賦聖人資典學尤勤恐後時努力寸陰常爲惜談經
終日竟忘疲閒觀翰墨情偏愜坐對縹緲手自披二帝三王
心法在文華高揭卽著龜

隆禮師臣

朝朝講幄侍宸旒忝竊賓師禮更優瞽語每勞傾耳聽腐儒
何有格心猷風雲一代真奇會魚水千年豈易投淺薄無能
稱獻納祇將丹悃答皇庥

面獎廉能

紛紛計吏集金門勞遣親煩萬乘尊共望龍顏瞻日表近承
天語挹春温虞詢方岳遣風遠漢獎循良古道存知已尙然
酬一諾諸臣何以報殊恩
俄傳綸綍下丹霄積負如山頃刻消野老扶筇聽漢詔衢氓
擊壤播唐謠漫愁杼柚誅求竭已覺閭閻生意饒爲問皇仁
何所似旱時甘雨潤枯苗
齋居端默自沈沈精意俄然格帝心萬里春隨温詔下崇朝
澤並聖恩深皇穹響答同桴鼓農扈歡歌勝雨金自是聖朝

無闕事不須露禱向桑林

植桑知艱

玉食朝聞撤大官憫農還見軫盤餐三推未向天田舉百穀
先從御苑看寓縣迎和逢歲稔閭閻鼓腹洽民歡南風不用
歌矇史冲主偏知稼穡艱

九塞稱臣

幕南秋色靜王庭月滿邊關夜不扃北地胡兒能漢語西陲
宛馬盡龍形屯田都護休乘障破虜將軍早勒銘干羽兩階
文德洽九重端拱萬方甯風鼓萬興時夏古豈容朕日尙

百蠻歸款

纔聞西馬來天極又見文犀出海濱越嚮不煩通蜀使呼韓
已作款關臣威橫朔漢烽煙息澤暨炎荒雨露均凱奏胡歌
雜蠻語紛紛盡唱太平春

恭祝萬壽無疆二首

太平天子正垂裳鳳紀重開赤室祥萬歲歌聲彌海宇千門
佳氣靄明光西池雲駕臨仙仗南極星躔映壽觴欲頌巍巍
那可擬神堯十六御陶唐

拜陳金鏡慶堯年況屬清秋灝景鮮龍袞光中香篆嫺鳳韶
聲裏玉卮傳九霄瑞露凝仙掌三殿祥雲捧御筵淺薄幸霑
恩似海謳歌惟祝壽齊天

恭頌聖德詩二首

鳳歷萬年歸聖主鴻圖十代授神孫
求言已見開堯室圖治還能闢舜門
獨運英謨開日月共歡泰道叶乾坤
愚臣衮職慚何補擬續卷阿答至尊

太平天子御明堂繡袞端垂化瑟張
五嶺畊桑休戰士九邊鉦鼓納降王
鳳麟並兆人文朗龍虎重開帝業昌
幸際無虞思獻納願將兢業對時康

園丘陪祀有述

蒼蓋朱甍倚碧空郊壇高峙帝城東
宸旒肅穆千官合鹵簿輝煌萬國同
上界清都依紫漢秦階黃幄隱晴虹
相如莫獻

青鸞賦不是祈靈太乙宮

恭侍講讀紀事

日日趨承向紫清石渠天祿未爲榮
敷陳固以惟仁義弼直還因際聖明
愛聽瞽言頻促席親勞御手爲調羹
微塵敢謂裨山岳祇竭葵衷一念誠

春日侍講

御鑪香嫋袞衣垂虎觀橫經侍漢儀
風度雲編香細細日臨春仗晝遲遲
懸情雙白身難乞報國孤丹主自知
歸向綸扉清漏午還將簪筆紀芳規

皇上祝聖母

張文忠公全集
寶厯躬膺理萬方流虹初發慶源祥女中頌德稱堯舜膝下
承歡有帝王運撫日昇人共泰慶逢陽至景初長慈闈罔極
恩何報遙指南山祝壽康

遼左大捷

霜戈一指靖遼陽露布星馳入未央天子垂衣多廟算將軍
汗馬自鷹揚絲綸獎借承殊眷金紫輝煌出尙方帷幄敢言
能決勝獨餘忠蓋佐時康

慶成侍宴

大庭醑宴慶郊成魚藻歌騰見鎬京日照千花明袞繡風和
萬籟協韶音宸情喜覺春生面天語頻傳酒滿觥交泰正逢

千載會講才何以佐昇平

文華殿進講大寶箴應制二首

天位艱難保泰年昔賢獻納有遺編圖陳虎觀開緗帖喜動
龍顏促講筵問道軒宮風自遠談虛漢殿席空前恭逢帝代
師臣禮彤管長令奕世傳

彤幃高敞翠華臨納誨先陳大寶箴造膝從容承顧問當展
延伫見虛襟酒池瓊室傷心麗塞纒垂旒鑒古深天藻慙
清漏午愧無明保作商霖

上林春曉

澌澌初添太液波春光常在鳳城阿新鶯漸與仙韶合細草

引文忠公全集 五
偏宜御輦過旌蓋紛紛隨日轉杏花灼灼倚雲多太平樂事
應無限願以時成和舜歌

題荷花應制

宮沼澄漪通太液天葩的歷炫新妝移來玉井根原異開向
瑤池色倍光細細香風隨鳳輦霏輕露溼仙裳碧筒長喜
傾芳醞願祝慈齡萬禩康

元兔

曾向瑤臺伴月輪今來文囿瑞昌辰靈丸擣就千年藥鑛屑
錘成百煉身黜質元因錘水德緇衣豈是染京塵還將老子
元元義爲祝君王萬萬春

黃鸚鵡

曾隨大士翔南海今奉慈顏集上方色借銅龍增氣象影搖
金鳳共輝光含靈省識三株樹解語能稱萬歲觴不信黃中
符地德爲看仙鳥應休祥

五色鸚鵡

帝遣靈禽獻壽來聲聲頻勸萬年杯彩衿色奪宮花麗綺翼
遙凝瑞錦裁照影池娥猶自讓調音梁燕定應猜徒聞王母
三清使馴擾何如在帝臺

玉兔

冰輪高挂碧雲端玉質身依玉宇寒萬里山河天外過千秋

宮殿鏡中看吸殘桂露花長在擣就瓊霜夜未闌已伴嫦娥
遊帝闕更隨王母奉仙丹

題畫貓應制

內苑馴來有歲年雙雙彩色最堪憐閒行花蹕雕闌外小踞
風生繡榻前窮穴已知狐鼠盡芳春惟見蝶蜂翩微軀何幸
承恩眎率舞應居百獸先

聖壽朝賀

高秋馳道入輕寒珮玉珊珊曉漏殘蓬海神舟青鳥信柏梁
仙掌露華團萬年景運過周歷二殿威儀擁漢官拜首嵩呼
天仗合鑾輿遙在紫雲端

送羅比部守甯國

鳴蟬落木玉關秋愁見河梁一葉舟雲物共憐燕市客風流
遙憶謝公樓鯨波橫海曾多事虎竹分廷借遠籌三十二峰
明月滿思君當在最高頭

壬戌七月望夕初幼嘉陳子嘉二年兄過訪次韻

壬戌秋光此再遊紛紛涼月玉觥浮關中寒杵星河動塞外
清笳几席秋二妙相過憐北極雙魚甯惜滯南洲狂歌嫋嫋
天風發未論當年赤壁舟

中秋前二夜與諸君共集雙河寺

野殿虛無生紫煙薜蘿古柏相新鮮佳辰已是中秋近萬里

清光自遠天遲客不來思玉軫翁生善琴期而不至飛觴得句信瑤篇
拂衣聯臂雙河寂閨曲衢歌聽杳然

賦得秋色老梧桐

涼露燕山秋自偏高梧十尋殊可憐蕭蕭落葉當寒井瑟瑟
悲風起暮煙疑有鳳凰鳴碧幹不堪哀怨付清絃皎月夜窗
閑對汝外人誰識子雲元

送初幼嘉年兄還郢三首

燕市重來二月初翩翩意氣曳長裾金門未售甘泉賦元室
何人問子虛太乙夜然東壁火天池時化北溟魚乾坤歲歲
浮春色環珮相將侍禁廬

黃鶴樓中憶舊行白蘋江上此離觴天邊日氣殘鳩鵲帝里
星華照鸛鷗燕士從來先郭隗漢庭那得老馮唐思君何處
堪情切草色青青滿建章

秋深鴻雁落汀洲嘹唳西風動客愁月下綠尊同郢曲天涯
青眼對吳鉤蕭關笳鼓驚寒燒澤國芙蓉念傲裘愛爾明珠
羅萬斛逢人莫向暗中投

十月十日集曾工部宅得天字

暝色城隅殊可憐西風搖落轉淒然三年萸菊逢燕市七澤
椒蘭憶楚天海上素秋看碣石尊前白雪自瑤篇邀歡最愛
楊雄宅此日相將更問元

送翁雲松琴士還浙

幽人結屋東華頭鬱鬱松陰四壁秋一點浮雲向天外片帆
風影挂江流廣陵新調驚元鶴渭水長竿起白鷗歸去不堪
千里道山陰夜雪滿孤舟

詠江濱梅得陽字

江岸紛紛留野雪波光歷歷帶殘陽寒枝一綻已春色輕萼
數點亦幽香行人欲折情可寄辭客相看思欲狂賴與乾坤
壯孤寂獨隨山月映茆堂

塞下曲

九月西風塞草殘胡沙黯黯點征鞍一聲羌笛吹關柳萬卒

雕戈擁賀蘭都護長纓勤廟略單于遠道伏長安漠南坐覺
烽煙靖天漢嫖姚可易看

送王邑博之定海

高天寒色逐金莖書劍翩翩此獨行朋酒不堪燕市別客槎
因與越潮輕鄭虔自屬傳經望揚子誰憐獻賦情到日即看
池藻綠春風先被魯諸生

江中對月得郎字

秋夕蕭森泛野航菰蒲遠棹動清涼萬山月色侵虛幌十里
江光入巨觴影入魚龍看歷歷露團萑葦見瀼瀼好懷欲向
騷人遣太白那能起夜郎

張文忠公全集
范比部魯工部洪山人夜過得龍字

剡門寒日落千峰莽莽流雲翠欲重海內文章幾揚馬天涯
笑語自人龍石鑪對集憑杯酒城柝齊鳴襍禁鐘時事未堪
愁裏論九關何計息煙烽

王明府之吉水席上致別

因君倍憶楚江潯江氣蕭森秋色深黃菊紫萸堪在把雙魚
孤雁自驚心明妃村樹已空寂王粲樓臺還古今斗酒相看
不成醉西風愁聽擣寒砧

懷曾水部

郭外衝泥野雪侵別君之後思逾深登臨不分題橋興咫尺

何孤入社心寒榻一春應鹵莽芳尊幾日復招尋匣琴莫向
雲岑鼓怪聽山中有鳳吟
省中對雪再用前韻

客裘二月尙寒侵遠色驚看雪霰深省署珮環消簿領關河
雁鶩繫愁心誰家羌笛那堪聽何處梅花不可尋入夜抽簪
星漢動琅琅疑是海龍吟

省中春望次吳侍御房山喜聞倭退寄郝侍御韻

長安西望浮晴色片片春雲護遠峰遼海烽煙收羽檄漢家
宮闕隱歌鐘鳥嘯欲趁天風度條變猶憐夜雪封江上早梅
紛可折江南驛使未相逢

再次吳侍御別陳侍御韻

蒼珮同趨玉筍班三年裘馬寄燕關
厭看春草新官舍賴有瑤華破客顏
碣石孤峰雲外出蓬萊雙鶴斗邊還
相期共拾天門月遲爾青蘿翠壁間

送周比部慮囚江南便歸省覲二首

珂珮相從侍玉墀分曹猶寄白雲司
尊前清笑看長缺月下狂歌岸接離
別浦菰蒲涼氣早遠村鴻雁客心知
晉陵吳苑堪乘興料爾登臨起壯思

庭闈喜氣覺全紓使節翩翩指舊廬
綠鬢錦袍還意氣白魚青筍自庭除
晚風吹浪江南棹秋水懷人薊北書
欲與文園

拾瑤草相期何日返征車

左闕校閱除書

微風曉度禁城西溝水芙蓉拂玉隄
浴鷺衝波還泛泛鳴蟬泣露故淒淒
鑪煙直射仙人掌寶籙新開御墨題
序進忝隨郎吏後自慚通籍在金閨

送梁鳴泉給諫册封晉藩

已欣勝覽馳千里況捧綸恩出五雲
唐叔圭桐初啟晉漢皇簫鼓憶橫汾
金羈路指黃河近玉佩香從畫省分
遙想諸藩爭識面中朝汲直向來聞

病懷

齷禁承恩憶往年西清幾聽漏聲傳青旂簇仗圖仙陛黃表
開函奉御筵沈澹宵凝雙掌露燎光晴映九霞天滄江一臥
彌年歲紫極空瞻象緯懸

邑人 鄧振輝校
田吳焯校

明張文忠公全集四

七言律

巽州圖為沈封君題

颺飈復見沈休文棲隱芳洲遠世氛白社相將鴻鵠侶青尊
獨與鷺鷥羣石門天淨邀新月瑤瑟秋深鼓暮雲華省更看
瓊樹好黃麻已向漢庭分

壽王觀吾封君

襄陽自昔多耆舊龐德千年復見君綠鬢投簪憐豹隱青山
濁酒狎鷗羣極星入夜天中爛桃實驚秋海上分才子獨留
金馬在高堂應望楚墟雲

夜過吳侍御得來字

客裏那能數舉杯
楚山燕岫各徘徊
疏籬兩見黃花發
絕塞重驚白雁來
霜落金莖楓葉晚
風生繡豸角聲哀
高名季子慚同調
簪筆琅琅落上台

中秋前再過吳侍御得陽字

霜空征雁送斜陽
涼月紛紛滿建章
影落明河搖彩筆
光浮太液照霓裳
梧桐驚見燕山老
橘柚因懷楚澤黃
望後清光還自倍
天門那惜更飛觴

味祕草堂卷爲貞菴王孫賦

別業初開小苑東
翠微佳氣鬱蔥蔥
瑤章驚錫蓬萊闕
羽節

高懸太乙宮
採藥但教雲作侶
應門常使鶴爲童
獨憐塵世遙相隔
惟聽瓊簫度碧空

送涂司理之敘州

爾夢刀州初拜官
風塵須借惠文冠
十年離別交情在
千里馳驅蜀道難
飛舸乍移紅樹晚
懸旌直指翠屏寒
輜軒更暇探幽興
爲訪君平舊肆看

聞警

初聞鐵騎近神州
殺氣遙傳薊北秋
間道絕須嚴斥堠
清時那忍見羶裘
臨戎虛負三關險
推轂誰當萬里侯
抱火寢薪非一日
病夫空切杞人憂

月夜登城

一葉已落人間秋夜澄江空煙霧浮月光入水影明滅霜氣薄人風蕭颺沙鳥欲宿寒未穩城烏驚棲嘯不休酒酣對客發幽興清嘯騷然滿滄洲

送方金湖之甯津

車馬蕭蕭過上蘭都亭貫酒強爲歡已知天地共行客不爲別離愁路難汲黯積薪緣宦拙長公直道薄微官誰憐十載河陽令還向風塵拂舊冠

遊南海子

芳郊祕苑五雲中猶識先皇御宿宮碧樹依微含雨露朱費

窳窳鬱煙虹空山想見朱旂繞闕道虛疑玉輦通此日從臣俱寂寞上林誰復嘆才雄

慰劉生臥病苦吟

瘦臞何事日長吟卻以齋居思轉深櫪驥不忘千里志病鴻終有赤霄心軒車入市誰相訊容鬢經秋恐不禁肯與留侯同辟穀碧壇瑤草共幽尋

李石麓晉翰學入直撰文遙賀

魚珮初懸入禁闈冰銜新寵奉恩輝沈香花發仙人藻雲錦裁成帝女機直禁曉瞻溫樹近退朝宵捧御蓮歸上林有鳳棲梧竹卻放冥鴻海外飛

元日望闕

北闕朝元憶往年趨承長在日華邊青陽御蹕乘春轉黃道
諸星傍斗旋鎬宴並霑歌湛露虞庭率舞聽鈞天江湖此日
空愁病獨望宸居思渺然

元日感懷

青鏡流年惜暗移江湖潦倒負心期被嘲揚子元猶白未老
安仁鬢已絲安仁三十有二始見二毛直北煙雲占斗氣隔
江梅柳媚春姿閒愁底事淹芳序且盡尊前柏葉卮

和貞一王孫八嶺山韻

千騎霓旌控紫庭曙煙晴抱日華明山蟠王氣藏真宅草綠

春心愴孝情笙鳳度雲迴仗影洞龍銜雨聽松聲仙城杳靄
何因見悵望青霄聳翠屏

寄胡劍西太史二首

文園臥病歲華移又見飛花楚水湄向煖愁看江燕舞懷人
心許塞鴻知劍懸牛斗離當合書隔雲霄未可期遠夢關山
那易到祇看梁月慰相思
橘性從來本易移鷗情長愛水雲湄投膠約在終相憶附驥
才慳卻自知北極星辰瞻瑞彩東山蘿薜愜幽期喚愁江草
年年綠欲折蘼蕪寄所思

畱別新鄉方大尹

長文忠公全集

詩五

迢遞雲山十日程旅懷眞爲故人傾夜燒紅燭催春酒曉借
鳴琴寫別情官舍柳青縈去旆河陽花滿送嘯鶯天涯離合
堪惆悵愁聽行歌唱渭城

壽馬年兄母八十

南歸已遂榮親志春酒初傳獻壽杯駟馬車從天外轉六鼇
仙自海中來光移玉樹霓旌動春觸庭花舞袖迴況是茂陵
詞賦客可無高詠續南陔

送譚少石之湘鄉

別思迢迢不可任湘江湘浦碧雲深春湖水泛桃花色沙岸
煙含苦竹陰鼓瑟幾聽江上曲登樓一寄日邊心青霄遲爾

雙鳧翼弔古休爲楚客音

和答龍湖閣老舟中見示

風煙悵望三秋迴奎壁遙連八座明海內幾年公輔望士林
今日斗山情天書珍重瑤華贈秀句花從彩筆生樛散獨慚
培植舊漫同桃李向春榮

雪中招友

東風吹雪迴生姿小徑先分玉樹枝陰合野人愁日暮凍含
宮柳訝春遲多情未減山陰興寂寞能忘北郭思已辦香醪
供晚醉莫辭泥湓負心期

九日宴汪年兄宅得清字

風物淒淒秋滿城，況逢佳節不勝情。雲明遠塞翻鴻影，霜入
疏籬見菊英。海內弟兄歡促席，天涯蹤跡自飄萍。未嗟萬里
長爲客，坐對萸尊笑語清。
東坡贈貞菴王孫二首
緱山帝子本胎仙，曾種華池玉井蓮。江上初聞小有洞，年來
不住大羅天。雲緘寶籙傳丹闕，鶴引金輿駕彩煙。白晝果能
生羽翼，淮南何羨枕中編。
龍車虎駕拂煙開，來往青霄日幾迴。曾向麻姑問滄海，每隨
松子駐蓬萊。玉笙吹月聞天樂，珠樹留雲遠世埃。我病欲求
鴻寶訣，自知塵骨少仙才。

送楊生南歸

清時不獻太平書，爲復還從江上居。芳草暗隨鄉夢合，孤雲
爭似客情疏。南山霧雨文初變，溟海扶搖翮未舒。知子少年
思養晦，歸來不是憶鱸魚。

送呂都諫參知秦中

百二山河何壯哉，旬宣使節自天來。不緣重地須人望，肯借
中郎出帝臺。驛騎秋辭燕樹渺，省薇晴傍召棠開。春明暫隔
休惆悵，卿月遙占賜履回。

送林儀部視楚學

少年蘭省藉時名，南國儒臺簡命榮。敷教祇遵虞五典，傳經

曾擬漢諸生鶴飛溲泐樓還古龍起湘江水尙清扈蹕勝遊
今十載因君重憶楚山程

送陳見吾考績南還因寄親友二首

把臂都門問所如煙花南望引征輿章華臺畔唳鶯後杜若
洲前見燕初候吏重瞻仙令舄路人爭羨馬卿車張衡已著
思元賦歸夢從君繞敝廬

幾度思歸病未瘳那堪送子向南州帝城花滿離亭曙江國
春殘杜宇愁旅客獨傷魂渺渺征人長憶路悠悠先憑一寄
南中友相見猶疑在暮秋

觀音巖次羅念菴韻

上方重閣晚依依飛錫何年此息機行盡碧霄平有路坐看
紅樹不知歸法身清淨山長在靈境虛無塵自稀欲借一枝
栖野鶴深公應笑買山非
水齋贈沈山人次李義河韻
蘇航控鶴歸來日李泌藏書不仕年滄海獨憐龍劍隱碧霄
空見客星懸此時結侶煙霞外他日懷人紫翠顛鼓棹湘江
成遠別萬峰回首一淒然
宿南臺寺
一枕孤峰宿暝煙不知身在翠微顛寒生鐘磬宵初徹起結
跏趺月正圓塵夢幻隨諸相滅覺心光照一燈然明朝更覓

張文忠公全集 詩五
朱陵路踏徧紫雲猶未旋

出方廣寺

偶來何見去何聞耳畔清泉眼畔雲山色有情能戀客竹間
將別卻憐君瘦筇又逐孤鴻遠浪跡還如落葉分塵土無心
畱姓字碧紗休護壁間文

潛江憫澇

水齧平隄沙岸迴野田空見荻花開江濤挾雨秋仍壯燕雁
衝寒暮獨來歲晚風霜敲客枕夜深燈火傍漁臺悲時亦有
江南賦愁聽荒城鼓角哀

應城訪李義河給諫宿古城寺

茂陵同病復何如強半秋來未有書豈爲浮榮愁墮甑須知
世路可翻車青霄結綬誰相引白首論交獨共予世事繽紛
那足問隔江東畔有鱸魚
吳大尹道南見訪古城寺楊溫泉李義河張陽蘇李方

城夜集

山寺移尊接几筵薜門蘿徑隱蒼煙江涵雁影秋將盡月散
林光夜不眠傾蓋喜逢東魯彥入疆初聽武城絃虛慚淺薄
參同志記取風流起後賢

漁父泊漢江望黃鶴樓

楓霜蘆橘淨江煙錦石遊鱗清可憐賈客帆檣雲外見仙人

樓閣鏡中懸九秋槎影橫清漢一笛梅花落遠天無限滄洲
漁父意夜深高咏獨鳴舷

山居

林深車馬不聞喧寒雨瀟瀟獨掩門秋草欲迷元亮徑清溪
長繞仲長園蒼松偃仰雲團蓋白鳥翻飛雪滿村莫漫逢人
語幽勝恐驚樵客問桃源

正月初四日南郊禮成

午夜祥雲繞太微聖明開運六龍飛簫韶享帝聲容盛玉帛
來王歷數歸寶幄天光臨負辰金輿春色映垂衣微臣快覩
唐虞際三祝堯年仰曙輝

春日禁中即事

馳道春歸入建章九重花卉動年芳浮雲細細生城闕晴雪
霏霏溼苑牆內殿徐停紅羽仗御屏高閉紫金牀日長退食
天門裏慚媿中朝鷓鴣行

送楊孝廉下第歸

曾於鑑院窺奇藻直擬長江倒峽來白璧何人收楚璞黃金
空自築燕臺因歌蜀道愁征騎還向龍門歎暴鯁狗監若論
文似者漢家終憶子雲才

病懷

白雲黃鶴總悠然底事風塵老歲年自信任公滄海客敢希

方朔漢庭仙離居可奈淹三月尺疏何因達九天獨坐書空
不成寐荒蕪虛負北山田

度河

十年此地幾經過未了塵緣奈客何官柳依依懸雨細客帆
渺渺出煙多無端世路催行劍終古浮榮感逝波潦倒平生
江海志扁舟今日媿漁蓑

七夕詠戲呈曹紀山館丈

河漢佳期已曠年人間天上兩相憐雙鸞暫照今宵影一水
還訂隔歲緣涼入畫屏秋縹緲光搖銀燭夜娟娟誰知更有
嫦娥冷獨閉瓊樓只自眠

西內卽事二首

紛紛羽蓋拂雲來冉冉霓旌下帝臺朝退玉宸香滿袖液分
仙掌露盈杯靈符關鶴來三島寶劍飛龍運五雷夜見靈光
照城闕不知河上放燈迴

海上羣仙一一來嫋雲紆霧擁香臺下聽天籟和瓊管更取
霞漿泛玉杯祝聖萬年同海岳驅邪三界走轟雷青霄來往
須臾事爲問仙車日幾回

對菊

客愁何意玩芳菲祇愛幽香冷浸衣物色暮看秋後景寵光
晴借苑邊暉餐聞楚調心還折採向陶籬願已違今夜一枝

聊對汝並憐孤影月中微

鍾山堂

卜築蘭堂歲月深地幽偏稱結廬心看山不礙翠微色近市
渾無車馬音直以菑畚開駿業還將篇籍代贏金謝家庭樹
依然在爲報新枝已滿林

送袁少參之廣東

粉署棲遲已十秋更看旌節向南州未論歧路關離思且喜
山川得勝遊海近十洲波不湧花明五嶺瘴全收旬宣萬里
經行處想見棠陰滿道周

邑人李家銓校
田吳炤校

明張文忠公全集四

詩六

五言排律

題 扈從齋壇賜觀齋宮温室紀恩

漢時卿雲麗周郊旭景妍鉤陳依太乙仙蹕駐甘泉清吹喧
馳道齋宮謁土元紫壇香霧靄蒼壁瑞光圓祀典祈宮肅宸
綸中使傳九盤分玉饌入寶綴金錢身似游天上心常在日
邊所祈靈貺遠長共聖恩延

常 便殿奏事紀恩

造膝金華祕承顏玉陛春便宜條漢事勤已動虞詢曲踞明
臣禮提攜荷聖仁寵袞袞重香引御袍新下濟天光近傳

張文忠公全集 卷六
呼晝漏頻恩慈同地厚
偃僂欲牆循臣忝台衡
久偏承魚水親鹽梅
懸聖藻蒲柳寄微身
主聖惟將美才疏
媿演綸所希常道泰
千載慶茲辰

賜御膳紀恩

遲日明青瑣薰風捲絳綃
金盤從內捧玉食荷親調
入盃冰同瑩流匙雪未消
加餐天語重借筋主恩饒
多幸陪經幄無能酌斗杓
輕身如沆瀣藉手媿瓊瑤
愷樂追魚藻賡歌叶鳳韶
願言均聖澤耕鑿戴唐堯

擬咏四時山水花木翎毛畫四首

春

紫陌晴雲靄青郊淑景新
穠花爭笑日好鳥亂鳴春
卷幔湖光入鋪茵草色勻
芳菲分帝苑發育總皇仁
山鎖秦人里煙迷樵客津
隔林催布穀聖主正歌幽

夏

萬頃煙江闊千章灌木榮
盤渦深浴鷺密葉暗藏鶯
原野雲爲幃河洲柳作營
遊鱗牽荇亂舞燕掠花輕
雨氣消煩暑山光送晚晴
皇風披宇內不借五絃鳴

秋

清商臨素節江上起層陰
蘆荻芳洲靜芙蓉曲徑深
秋聲動幽竹涼意入疏林
過雁黃雲影殘蟬碧樹音
露華全綴玉菊

藥半舒金爽氣長空淨披圖鬯睿襟

冬

祈年勞聖慮瑞雪積瑤臺野竹凌風勁山花破臘開草枯霜
隼奮林暗暮鴉來汝國人方臥衡陽雁未回暖催燕谷黍寒
盡隴頭梅會見青龍轉春風徧九垓

題孫公遺愛祠

山拔天門峻湖連漢水瀾惠人不可見此地有遺祠邑是滄
浪匯民愁沮洳危自公驅五馬銜命總嘉師杼柚憂亡屋幽
熒詢寡養野荒開沃壤逋訟起瘡痍政以催科拙才緣盤錯
知潛沲疏惠澤巖谷被恩私績奏吳公最人懷杜母慈來沾

甘雨潤去望德星移廟貌存遺像豐碑表去思有靈歆俎豆
無地返旌旗菜竹含新籜甘棠老故枝高風長邈矣懷古獨
淒其駿發光逾遠鴻麻歛未衰生申鍾岳秀夢說起巖居廊
廟瞻風雅雲霄振羽儀衣冠誇奕世聲藉冠當時運偶龍興
日恩須鳳詔馳榮名兼世美千載仰芳規

上林春曉

禁苑春光曉皇州霽景浮淡煙籠細草晴旭抱重樓鳥影林
梢亂鶯聲花外畱紅殷桃雨暗綠散柳風柔拂曙寒猶峭侵
衣露欲流蔥蔥佳氣裏春在五雲頭

泰陵春祀

長文忠公全集

詩六

三

孝帝藏靈地千秋寢殿崇當年聞鑄鼎此日想遺弓聖澤流
寰宇神真妥闕宮山河春寂寂松柏鬱蔥蔥玉盃晨光合金
鏡夕照空幸來陪初祀瞻戀五雲中

壽嚴少師三十韻

雲紀中興聖星精命世賢千秋真遇主八柱已承天嶽降生
申日巖居夢說年作霖龍蟄起華國鳳儀騫握斗調元化持
衡佐上元聲名懸日月劍履逼星躔補袞功無匹垂衣任獨
專風雲神自合魚水契無前已屬經綸手兼司風雅權春華
霏藻翰宮錦麗瑤編潤色皇猷遠鋪張帝業鮮語緘温樹密
宴和柏梁篇履盛心逾小承恩貌益虔神功歸寂若晚節更

怡然密勿孤忠勵儀刑百辟先還將調燮理卻養壽祺綿德
邵身彌健形和氣自延三朝見元老七袞儼真僊不睹松喬
壽焉知柱石堅條風初變律淑景正催妍瑞靄浮南極長庚
耀薊曠沙明隄騎擁雲溼羽衣翩垂柳搖金屈飛花簇玳筵
籌增知幾萬桃實又三千鶴曲傳瑤島鵬霄駐彩旃雲仍看
接武春色上華顛歷紀莊椿固功存汗竹宣畢公年未艾裴
相望踰懸福迓天休永名因帝眷全所希垂不朽勳業在凌
煙

梅中舍有作邀余賦

淨舍梅花發娟娟挺玉姿猶憐殘雪在故傍煖雲垂地僻塵

逾遠簾疏影並移馨香祇自惜攀折欲誰貽客有廣陵興邀
題東閣詩春愁依墮藥鄉思繞南枝搦管那能賦尋芳似有
期孤英聊足對莫向笛中吹

朱漢水墓

昔別余將隱同吟漁父篇今來君已沒獨見茂陵阡劍解嗟
何及膏焚祇自憐清秋籬露湛霄漢客星懸知己今誰在交
情涕泗漣江迴流恨水山晚結秋煙大塊同浮幻風塵豈息
肩畏途今若此吾道轉淒然役役勞生夢紛紛世網牽甯知
暝遊者不愛此長眠

柏亭

手植凌霄幹蔥蔥已數尋蕭森合野氣蒼翠落庭陰坐處雲
團蓋吟成月滿村栽培元有意霜雪竟難侵影接松峰暗香
分桂苑深幸承元景蔭長伴歲寒心

七言排律

遼左奏捷奉諭以授略成功賜白金襲衣紀恩

烽火遼陽暗虜塵鷹揚猛將事專征洗兵青海朝氛盡牧馬
天山暮雪平都護近乘高闕塞匈奴新款受降城幄中決策
臣何有天上垂衣主自英瑤札忽傳奎藻麗錦袍重解聖恩
榮讓功真見虞廷美偃武還看禹德明四裔只今歌有道書
生何用請長纓

七言絕句

應制題畫鹿四首

濯濯仙姿傍碧山，瑤光應散在人間。祇今周圍歌攸伏，不數

西池獻白環。

呦呦頰仰似親人，伴鶴參猿復幾春。何事便無芳草戀，為呈

靈瑞感皇仁。

吸露栖雲幾幾年，從蒼得白轉為元。黎邱不託荒游乘，芩野

唯鳴湛樂筵。

中林騰倚偶成三，雜樹青莎性所甘。上苑嬉遊今已足，好歸

衡岳伴蘇耽。

應制題畫漁人二首

生綃寫就錦江鱗，彷彿辭波上釣綸。見說周王歌在藻，願歸

靈沼泳皇仁。

弱柳文絲繫錦鱗，憑誰獻作大庖珍。若非渭水持竿客，定是

桐江把釣人。

應制題畫馬

神駿元從西極來，權奇傲儻是龍媒。君恩放與眠芳草，騰達

終須萬里才。

應制題四景翎毛

內苑桃花爛熳開，萬年春色在蓬萊。靈禽自解傳人語，也向

君王祝壽來
錦樹丹葩照日紅
雕闌翼翼引薰風
瑤池不是來王母
青鳥何由到漢宮

疏篁叢菊彩娟娟
馴鴿飛鳴態宛然
幸得長雛金屋裏
不愁鷹隼擊高天

苑樹凝寒雪未消
漸看春色上梅梢
芳林自可容鳩拙
不向南枝借鵲巢

應制咏瓶花六言二首

彩筆圖將瑞萼金
瓶貯取仙葩冉冉清
香浥露盈盈麗色凝

霞

旖旎一叢春色葳蕤
數朵寒香不是丹青
造化誰知禁苑芬
芳

安肅道中雪

二月燕山雪尙飛
薄雲籠日轉霏微
官橋細柳仍含凍
何處飛花點客衣

自兜率往南臺行空霧中

祝仙兜率接南臺
十里煙雲總未開
咫尺前峰看不見
劉郎何路出天台

水簾洞

飛泉在朱陵洞最奇絕

誤疑瀛海翻瓊浪
莫擬銀河落碧流
自是湘妃深隱處
水晶

簾挂五雲頭

聽泉

恰向峯頭窺日出還來松下聽泉鳴飛濤跳沫幾千里轉石
轟雷一夜聲

飛來船

石船桂
山畔

石艦飛來幾閱年半落不落雲中懸何當棹向銀河去直取
支機下九天

應制白鶴吟十首

白鶴翻飛下九重羽衣猶帶露華濃清音噤噤和仙樂舞影
翩翩繞帝宮

仙禽本是仙人驥不向人間振羽毛為愛帝城多玉樹故隨
仙侶下丹霄

青鸞為侶鳳為媒萬里遙從閬苑來銜得瑤池金母信海桃
重見數株開

嘹嘹清唳隔蒼煙片片明霞遶御筵金簡忽傳天上字東華
初紀大椿年

玉宇翱翔自玉京九霄頓覺往來輕昔隨子晉登緱嶺今奉
仙皇侍紫清

九華宮闕逼雲開冉冉靈光擁帝臺不信仙真臨上界為看
瑞鶴繞天來

度盡煙霞幾萬重夜深還宿藥珠宮憑誰授得長生術一點
靈砂滿頂紅

萬里雲霄見羽儀碧天秋日影離離祇緣呈瑞來仙苑不是
乘軒戀玉墀

來時玉雪盤空下舞處瓊雲繞座霏聖主萬年臨紫極仙禽
長傍帝鄉飛

素衣不受市塵侵飛息長依御苑深解祝君王千萬壽一聲
聲出五雲岑

題呂仙口號

十三歲應試作

這箇道人黃服藍巾分明認得卻記不真呵呵元來是醉岳

陽飛洞庭姓呂的先生

題竹

十三歲應試作于楚王孫園亭

綠徧瀟湘外疏林玉露寒鳳毛叢勁節只上盡頭竿

文華殿對

念終始典於學期邁殷宗於緝熙單厥心若稽周后

披皇圖考帝文九宇化成于几席游禮闕翔藝圃六經道顯
於羹牆

四海昇平翠幄雍容探六籍萬幾清暇瑤編披鑿惜三餘
縱橫圖史發天經地緯之藏俯仰古今期日就月將之益

西崑峙羣玉之峰寶氣高騰冊府東壁耿雙星之曜祥輝遙

接書林

奉王之訓... 東... 皇... 益

接書林

奉王之訓... 東... 皇... 益

接書林

奉王之訓... 東... 皇... 益

接書林

邑人 鄭之英 校 田吳 校

